

Rapport dalla seduta dil cussegl da vischnaunca dils 15 da zercladur 2022 a Breil.

Il president dil cussegl, Corsin Albin fa a tuts presents in cordial beinvegni alla seduta da questa sera.

Cunquei che omisdus dumbravuschs han schau perstgisar per questa sera, sto vegnir elegiu in dumbravuschs per quella seduta. Ei vegn fatg la proposta sin Retus Cathomas. Ulteriusas propostas dat ei buc ed aschia vegn Retus Cathomas eleglius unanim sco dumbravuschs per questa sera.

La gliesta da tractandas, la quala ei vegnida tarmessa tier cun l'invitaziun, vegn sutamessa alla discussiun. Cunquei ch'ei vegn buca fatg diever da tala ei la gliesta per la seduta da questa sera ligionta.

1. Approbaziun dil protocol dalla seduta dil cussegl digl 1 da fevrer 2022

Il protocol ei vegnius tarmess allas cusseglieras ed a tuts cusseglers. Il president dil cussegl sutametta quel alla discussiun. Da tala vegn buca fatg diever. Il protocol vegn approbaus unanim.

2. Presentaziun quen e rapport annual 2021

Il quen annual 2021 dalla vischnaunca da Breil siara suenter expensas ell'altezia da frs. 13'330'099.72 ed entradas da frs. 17'158'671.26 cun in surpli entradas da frs. 3'828'571.54. Amortisaziuns ordinarias ein vegnidadas fatgas ell'altezia da total frs. 783'180.00. Il quen d'investiziun siara suenter expensas da frs. 4'851'028.05 ed entradas da frs. 1'550'438.60 cun investiziuns nettas ell'altezia da frs. 3'300'589.45. Il quen ei vegnius revedius da Confidar Treuhand SA Glion, sco era dalla cumissiun da quen e gestiun dalla vischnaunca. Vinavon ha la cumissiun da quen e gestiun revediu il quen annual dalla Meglieraziun Breil-vitg. Sco stau previu el preventiv han las taglias buca pitiu dalla pandemia sco quei ch'igl ei stau da temer. Nossa regiun ha perfin profitau empauet dalla pandemia.

Clau Schlosser presenta il quen annual cun tut ils detagls e dat sclariment sur dallas differentas posiziuns e las differenzas visavi il quen 2020 sco era il preventiv 2021. Sin las damondas duront la presentaziun sa vegnir rispundiu per cuntentienscha dils presents.

La discussiun vegn dada libra. Cunquei che las damondas aviartas han saviu vegnir rispundi duront la presentaziun dat ei neginas ulteriusas damondas. Ei vegn era buca fatg propostas per midadas ni adattaziun dil quen annual.

3. Rapport da revisiun ed approbaziun dil quen annual 2021

Andreas Cadonau, president dalla cumissiun da quen e gestiun, rapporta sur dalla revisiun prida avon e menziunescha il fatg ch'il quen ei sco εμπrem vegnius revidius dil biro fiduziari Confidar SA. La cumissiun ei fetg satisfatga dalla buna lavur dalla suprasatonza communal e dall'administraziun. Il quen seigi vegnius presentaus al cussegl en tut ils detagls, aschia che la cumissiun stoppi buca commentar tal. Ins hagi controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment.

La cumissiun propona d'approbar il quen annual 2021 e dar scarica alla suprastonza sco era a tuts emploiai. Andreas Cadonau engrazia alla suprastonza, all'administraziun, als

emploiai ed a tuts funcziunaris per la buna lavur prestada el decuors digl onn vargau ed en favur dalla vischnaunca.

Las cusseglieras ed ils cussegliers fan negin diever dalla discussiun. Per consequenza vegn il quen annual 2021 sco era il quen dalla meglieraziun Breil-vitg suttamess alla votaziun. Cun tscharna unanima approbescha il cussegl ils quens annuals cun dar scarica a tuts funcziunaris.

Il quen vegn repartius en tut las casadas e mess sin nossa pagina d'internet. Convischinas e convischins che ein buca cuntents cun l'approbaziun dil quen ni cul quen sco tal, san far diever dil referendum facultativ tenor constituziun communal.

4. Elecziun: cumissiun scola

Suenter l'emprema perioda d'uffeci sto la cumissiun scola vegnir elegida da niev. Sin la fin digl onn da scola 2021/22 ha Annina Veraguth da Vuorz abdicau. Ils ulteriurs commembers stattan vinavon a disposiziun.

La suprastanza fa las suandontas propostas per l'elecziun dalla cumissiun da scola, la quala entscheiva en sia lavur cun l'entschatta digl onn da scola 2022/23 e cuozza 4 onns.

Presidenta:

Middea Maria Luisa, geraua Andiastr

Commembers:

Maissen Patric, Breil	tochen dacheu
Fontana Selina, Breil	tochen dacheu
Huber Sarah, Dardin	tochen dacheu
Hunger Adrian, Vuorz	niev

Ei vegn fatg neginas ulteriuras propstas. Cun tscharna unanima elegia il cussegl las persunas proponidas dalla suprastanza per la proxima perioda da quater onns.

5. Approbaziun credit: sanaziun tschaffadas d'aua Fermata Vuorz

Il provediment d'aua dall'anteriura vischnaunca da Vuorz ei vegnida sanada ed engrondida els davos onns e quei sin la basa dil plan general dil provediment d'aua (GWP). Las tschaffadas principalas a Gneida ein vegni sanai el 2016/17. El medem mument ein las lingias d'aua denter Gneida e Ruinas (reservoir) ed ovra vegnidis remplazzadas. Per saver garantir vinavon in bien provediment d'aua ston las tschaffadas dalla Fernata a Vuorz vegni sanai. Per quellas lavurs havein incaricau Cavigelli Ing. AG Glion da tschentiar ensemen in project.

Las lubientschas necessarias dil cantun per quella sanaziun ein avon maun, ed igl ei da quintar cun contribuziuns finanzialas dil Cantun sco era dalla Confederaziun.

La suprastanza fa la damonda al cussegl per in credit da **frs. 230'000.00** brutto per quella sanaziun.

La discussiun vegn dada libra. Ei vegn fatg neginas damondas. Cun tscharna unanima approbescha il cussegl il credit da frs. 230'000.00 per la sanaziun dallas tschaffadas d'aua a Fernata Vuorz.

6. Varia

Clau Schlosser informescha il cussegl che la decisiun dalla Regenza en connex cun la via da colligiaziun denter Vuorz e Breil seigi finalmein arrivada. Ussa ei da spetgar giu ils 30 dis e mirar tgi che trai vinavon la decisiun avon dertgira.

En nosa vischnaunca habiteschan era fugitivs dalla Ucraina che van aunc buca a scola. Sin l'entschatta dil proxim onn da scola duess ei era esser pusseivel d'integrar quels en nosa scola.

En consequenza dall'uiara en l'Ucraina vegn il material da baghegiar pli cars che previus. Aschia eis ei da quintar uonn cun pli aults cuosts da baghegiar, quei che ha consequenza sin ils projects da sanaziun dallas vias.

Corsin Albin engrazia per la preschientscha e la partizipaziun. El giavischa allas cusseglieras ed als cussegliers in bien retuorn a casa e siara la seduta allas 21:10 uras.

Breil, ils 17 da zercladur 2022

Il president

Corsin Albin

Igl actuar

Curdin Cadonau